



Universitätsbibliothek Paderborn

**DE TRIBVS BONORVM || operum generibus,||
ELEEMOSYNA,|| IEIVNIO ET ORATIONE;|| deque eorundem
operum vi, vsu, & || ratione, LIBRI TRES,|| AVCTORE ||
THEODORO PELTANO SO-||cietatis IESV Theologo.|| AD ...**

Peltanus, Theodor Anton

Ingolstadii, 1580

Secvundi. De iis, quæ ad intrinsecam eleemosynæ rationem,
vulgatamq[ue] eiusdem diuisionem pertinent.

[urn:nbn:de:hbz:466:1-46891](https://nbn-resolving.de/urn:nbn:de:hbz:466:1-46891)

*De iis, quæ ad intrinsecam Eleemosyna rationem vulgariam
que eiusdem diuisionem pertinent.*

CAPUT SECUNDVM.

Virtutis prima
& maxima charitas.

Lib. de beat.
Quid misericor-
dia secundum
Greg. Nys. &
August.
Lib. 9. cap. 5. de
ciuit.

Quæ sunt partes
& munia misericordiae.

Vt fides duo de-
notat, ita Ele-
mosyna quoq;

Quid Eleemo-
syna presé sumpta.

Sacerdotum sti-
pendia, & prin-
cipiū vestigalia
nō sunt propria
rationis Eleemo-
synæ.

ENTER omnes virtutes principatum obtinet Charitas. Huius internus effectus, & quasi germana so- boles, est misericordia, externus autē Eleemosyna. MISERICORDIAM Gregorius Nyssenus, cùm voluntariam tristitiam ex alieno incommodo conflatam; tum piam rursus in eos, qui cum aduersa fortuna conflatur, affectionem appellat. Augustinus cordis compassionem, qua, pro ut possumus, alienæ miseriæ subuenimus. Alij aliis verbis nobilem hanc virtutem delineant.

PROPRIVM munus huius est, ex quadam animi commis- ratione, in proximi malum ferri; non quò illud foueat, vel puniat, verùm quò secundum rationis ordinem depellat. Nam vt misere- ri, non quò subleues, sed quò punias, et si legitimo ordine id fa- cias, non est opus misericordiae, sed instituere; ita contra legem, vel rationis ordinem misereri, non est virtutis, sed vitij.

NOMINE Eleemosynæ generatim acceptæ & id denotatur, quod ex pia quadam animi συμπαθείᾳ ad propulsandam alterius miseriæ erogatur, quodcunque tandem istud fuerit; & illud rursum, quod ad ergandum impellit. Nam vt fides modò id, quo creditur, hoc est, fidei habitum; modò id, quo creditur, hoc est, fidei obiectum significat; ita eleemosynæ vocabulum vtrumque insinuat; nempe illud, quod inopi propter CHRISTVM, vel aliam honestam causam datur, & id rursum, quod ad dandum animum inclinat; siue illud sit charitas, siue misericordia, siue aliud quodcunque eiusmodi.

ELEEMOSYNA pressè sumpta illud est & appellatur, quod inopi ex commiseratione, ad subleuandam illius inopiam, gratis propter, vel secundum DEVVM præstatur. Ex qua Eleemosynæ de- scriptione planū euadit, iusta principum vestigalia, tum legitima quoque ministrorum Ecclesiæ stipendia, inter propriæ rationis Eleemosynas iure censer non posse: siquidem non conferuntur hec illis gratis, vt alimentum egenti, sed vt iusta merces laboranti. Quare utriusque, omni quoque egestate seclusa, contra negantes, vel

vel fraudem facientes iuridica actio conuenit; hæc autem pauperibus, etiamsi graui inopia premantur, ordinariè contra diuites eleemosynam negantes non conuenit.

C O N S E Q U I T V R hinc rursus, quod de industria in diuites erogatur, vel ex iis, quæ priuatae vitæ, aut familiae sustentandæ absolutè necessaria sunt, erogatur, vel in nullum egenitum commodum erogatur, illud propriæ eleemosynæ appellatione non venire. Non primum, nam quod ex proposito diuitibus donatur, illud neque ex commiseratione donatur, (ni qui forsan sint diuites, qui per fraudem egestatem mentiantur) neque ad tollendam illorum inopiam vel miseriam donatur. Non secundum, quia quod contra charitatis ordinem erogatur, non erogatur secundum D E V M: nam vt D E V S author est charitatis, ita ordinis quoque, quem illa dictat. At contra charitatis ordinem erogatur, quod ex rebus vitæ absolutè necessariis erogatur. Non tertium, nam quod ad præsentem, vel proximè impendentem calamitatem profigandam calamitoso usui esse non potest, hoc illi pro eo loco, tempore, rerumq; statu necessarium non est, (ecquid enim fame pereunt cum veste, aut frigore obtorpescenti cum pane?) atque ideo Eleemosynæ nomine aptè designari non potest. Sequitur hinc tandem, quod Pharisaico supercilioso propter inanem gloriam, aut aliam turpem causam exponitur, id propriam eleemosynæ rationem non assequi, tametsi vulgo in eleemosynis ha-beatur: quia non exponitur illud propter D E V M, vel alium finem honestum.

A C T V S Eleemosynarij principia sunt duo: alterum externum, alterum internum. Principium externum est proximi miseria, vel inopia: internum proximum, est misericordia: proximo vicinum est Charitas: siquidem proximi amor commiserationis, & opis hinc natæ, plurimùm est causa. Remotum autem eiusdem principium est liberalitas, remotius adhuc iustitia. Nam et si hæc secundum se absolutè non spectet proximi miseriam, nihil tamen vetat, quò minus aliqua illius pars illam spectet.

I M O vero tot interna etiam proxima eleemosynæ principia constitui possunt, quot sunt fines, quos quisque eleemosynam elargiens sibi præfigit, vel quot causæ, quæ ad eleemosynarum opus allestant. Constat autem has plurimas esse posse, non

Quod diuiti de
industria dona-
tur non satis re-
ctè eleemosynā
vocari.

Quod cōtra cha-
ritatis ordinem
donatur, nō do-
nari secundum
D E V M.

Actus Eleemo-
synarij princi-
pia duo.

Thom. 22.32.4.
& 4.d.15.2.1.3.

Idem effectus ex
diuersis causis
prodire potest.

Eleemosyna vir
tutis actum so
nat verius quam
habitum.

Vt vires secern
tur per actus, ita
actus per obie
cta.

Tot eleemosynarum formæ,
quot cōmunes
mortaliū mī
seriæ.

Corporales ele
mosynæ mai
orem partem re
bus spirituales au
tem verbis plu
rimū cōstant.

solum studiosas, verum etiam vitiosas. Potest namque idem ad numerum effectus ex diuersis causis prodire, & interdum quoque ab oppositis. Certum est enim, si duo vna eundem vestiunt, alter propter Deum, alter propter inanis gloriae auctoritatem, vnum illum vestiendi actum, quod in genere moris ex duobus oppositis principiis oriatur, virtuti simul & vtilio affinem esse: hoc quidem, vt imperatur à popularis gloriae cupiditate; illud vero, vt nascitur ex charitate. Colligitur hinc, vt ex præcedentibus quoque, eleemosynam imperatum virtutis actum rectius appellari, quam virtutis habitum: quamvis hoc ipsum quoque appellari queat, & sœpe etiam appellari soleat.

DE ELEEMOSYNÆ IN SVAS PAR
tes distributione.

AD eleemosynæ vero partitione quod attinet, ea haud me lius alinnde, quam ab externo eiusdem principio peti potest. Nam vt vires dinoscuntur, & secernuntur per actus; ita actus per obiecta; sunt enim haec inter se connexa. Quamobrem si externum operum misericordia principium, & quasi obiectum, circa quod, vel perpetuo, vel præcipue occupatur, est hominis indigentia, tot utique assignandæ erunt operum misericordia formæ, vel eleemosynarum species, quot generales mortaliū habentur miseriæ, vel egestates: siquidem misericordia fertur in hominis miseriari, quod eam amoliatur. Atqui vt omnis omnino homo ex anima & corpore constituitur; ita omnes quoque humanae miseriæ, aut in corpore, aut in anima, aut in utroque simul grafiatur.

MALVM corporis rebus plerunque; morbi autem & ægritudines animæ plurimum verbis profligantur: neutrum tamen horum altero præcisè: nam & rebus spiritus, & verbis rursum corporis incommodum interdum depellitur. Verba, quibus alterius ægritudini medemur, spiritalis:res autem, quibus idem præstamus, corporalis eleemosynæ voce exprimitur. Non quod haec necessariò corpus sint, aut res corporata; illa simpliciter spiritus; sed quod haec ad propulsandam humani corporis miseriariam; illa ad subleuandam spiritalē hominis ægrimoniam adhibeantur.

Homo

Homo quatenus corpore constat, vitâque & sensu pollet, ne in aliquod vitâ discriminem veniat, eget cibo & potu: tum te-
cto rursum & indumento. His quidem tanquam externis anima-
lis vitê præsidii; illis verò tanquam internis eiusdem vitê fomen-
tis. Aegrè autem habens, aut propter vincula externa libertate
carens, cùm his ipsis, tum cura quoque, & ex vinculis liberatione.
Vitandem, aut morbo extinctus, sepulturam funerisque hono-
rem depositus. Iam qui his corporis incommodis ex charitate ob-
uiam eunt, corporalia misericordie opera, aut corporales elec-
mosynas exhibere dicuntur.

Externi homi-
ni triplex co-
sideratio.

Vt verò homini interno, hoc est, hominis animo bene, vel
certè minus male sit, ante omnia, ne in grauius aliquod pecca-
tum prolaboratur, curatum oportet. Mox ne huc prolapsus, diu
multumque hic hæreat. Postremò ne patrato sceleri obstinatius
adherescens, sensim immedicabilis euadat, adeoque in contra-
cto peccato vitam tandem male finiat. Prolapsionem in pecca-
tum prepediunt, cùm sanum in dubiis consilium, tum fida rur-
sum & diligens in rebus, quarum notitia ad salutem vel statum
est necessaria, instructio. Tum blanda denique in aduersis fortu-
næ fluctibus, vehementiorique animi egritudine, consolatio. Ne-
que enim pauci perperam ob id agunt, vel etiam credunt, quòd
quid factò, vel credito opus est, non satis intelligunt, vel quòd in
rebus aduersis neminem, cuius opera in meliorem spem erigan-
tur, præstò habeant.

Triplex itidem
interni hominis
status,

Prolapsione in
peccati tria im-
pediunt.

At pertinacem verò in peccato moram præpedire lice-
bit, si iniuriam nobis irrogatam patienter dissimulabimus, ve-
niamque poscentes amanter completemur. Deo porrò, vel pro-
ximo illatam impunè abire non sinemus; verùm pro peccantibus
qualitate, modò leni, modò acri obiurgatione excipiemus, aliò-
ue commodo modo sanare studebimus. Multi namq; ob id dete-
riores euadunt, quòd veniam ab iis, quos forte leserant, impetra-
re non possunt, vel quòd eiusmodi æquo duriores experiantur, vel
certè quòd à nemine commode admoneantur, aut pro merito-
rum ratione castigentur.

Pertinacem in
peccato moram
tria itidem im-
pediunt.

OBSTINATE tandem improbi, hoc est, ad eum mentis sta-
tum iam adducti, vt nullā amplius admonitionem ferant, aut nul-
lum consilium admittant, Deo, qui ex lapidibus filios Abrahæ

Quomodo se-
nanci obstinati
improbæ

*Ad omnes ani-
mi morbos fa-
nandos pluri-
mum valet ora-
tio.*

exuscitare potest, feruida oratione commendandi sunt. Imò ve-
rò ad omnes omnino animi morbos sanandos, plurimùm valet
ardens ad D E V M deprecatio. Per orationem namque & stantes,
ne in noxam ruant, fulciuntur; & lapsi, ne vsque in peccati fordin-
bus hærent, eriguntur; & obstinate scelerati, ne inobstinati ani-
mi prauitate aliquando extinguantur, persæpe emolliuntur.

P A V C I S, qui esurientem pascunt; sitiens potum offerunt;
nudum vestiunt; hospitio destitutum tecto recipiunt; in vincu-
la coniectum redimunt; morbo pressum inuilunt; vita huius
munere perfunctum, sepelunt, omnium rectè sentientium iudi-
cio, corporalem eleemosynam impendunt. Spiritalem verò, qui
sui muneric ignarum docēt, perplexo, quidue agere debeat du-
bio, consulunt; mœstum solantur; peccantem corrigunt; iniu-
riam acceptam condonant; prauis moribus onerolum patien-
tia vincunt, nec non ad sanæ mentis consilium adducunt; pro
peccatoribus tandem, præcipuè verò contumacibus preces fun-
dunt.

*De morib. Ma-
rich.*

*Qui hominem
diligit, non ani-
mo tantum, sed
corpori quoque
benignè facit.*

*Medicinæ voca-
bulum latè patet
auctore Aug.*

De his Christianæ charitatis officiis, Augustinus alicubi scri-
bit in hunc modum: Ut homo homini appareat, anima rationa-
lis est, mortali atq; terreno corpore vtens. Partim ergo corpori,
partim verò animæ hominis benefacit, qui hominem diligit.
Ad corpus quod pertinet, medicina nominatur; ad animam au-
tem disciplina. Sed medicinam nunc voco, quicquid omnino
corporis, vel tuetur, vel instaurat salutem. Ad hanc itaque per-
tinent, non ea tantum, quæ ars eorum exhibet, qui propriè me-
dici nominantur; sed etiam cibus & potus, tegmen & tectum,
defensio denique omnis & munitio, qua nostrum corpus aduer-
sus externos iictus actusque seruatur. Nam & famæ, & sitis, & fri-
gus, & æstu, & quicquid extrinsecus grauiter infligitur, salutem,
de qua nunc agitur, manere non sinunt; & paucis interiectis sub-
dit: Quis non concedat, ab omni miseria liberum esse debere sa-
pientem, cum subuenit inopi, cum esurienti cibum præbet, po-
tumque sitiens? cum vexit nudum, cum peregrinum tecto su-
scipit, cum oppressum liberat, denique humanitatem suam vsque
ad sepulturam porrigit mortuorum? hæc ille de corporalibus mi-
sericordiæ operibus, de corporalibus porrò & spiritualibus mixtim
in Enchiridio ad Laurentium hæc exponit.

Non

NON solūm, qui dat esuriēti cibūm, sifienti potūm, nudo vestimentū, peregrinanti hospitium, fugienti latibulum, ægro vel inclusō visitationem, captiuo redēptionem, debili subventionem, cæco deductionem, tristi consolationem, non sano medicinam, erranti viam, deliberanti consilium, & quod cuique necessarium est indigenti, eleemosynā dat; verumetiam & qui veniam dat peccanti, & qui emendat verbere, in quem potestas datur, vel coercet aliquem disciplina, & tamen peccatum eius, quo ab eo lāsus est aut offensus, dimittit ex corde, vel orat, vt ei dimittatur, non solūm in eo, quod dimittit vel orat, verumetiam in eo quod corripit, & aliqua emendatoria pœna plectit, eleemosynā dat, quia misericordiam præstat. Similia multa compertes apud Gregorium, Ambrosium, Prosperum, Basiliū, & alios veteres scriptores.

QVIN sacræ quoq; literæ præclarām horum omnium mentionem faciunt; et si istud non vno modo, nec ea quoque, quam hic assignauimus, serie. Siquidem nonnunquam suadent; quandoque mandant; interdum quid sancti homines fecerint, simpli-citer narrant; quemadmodum istuc ex illo Tobiae cognoscere licet. Tobias autem quotidie pergebat, per omnem cognitionem suam, & conso-labatur eo; diuidebatque unicuique, prout poterat, de facultatibus suis: esu-riētes alebat, nudisque vestimenta præbebat, & mortuis atque occisis sepul-turam solicius exhibebat. Et ex illo rursum Gen. Cumque Abraham cle-uasset oculos, apparuerunt ei tres viri stantes prope eum, quos cum vidisset, cu-currit in occursum eorum de ostio tabernaculi sui, & adorauit in terram, & dixit: Domine si inueni gratiam in oculis tuis, ne transeas seruum tuum, sed ad-feram pauxillum aquæ, vt lauentur pedes vestri, & requiescite sub arbore; ponamque buccellam panis, vt confortetur cor vestrum, postea transibitis. Et infrā: Venerunt duo Angeli Sodomam vespere, sedente Loth in soribus ciuitatis; qui cum vidisset eos, surrexit & iuit obuiam eis, adorauitque, pronus in terram, & dixit: Obsecro, Domini, diuertite in domum pueri vestri, & manete ibi; lauate pedes vestros, & manæ profiscimini viam vestram. Qui dixerunt minimè; sed in platea maneboimus. Compulit illos oppidò, vt d. uerterent ad eum; ingressisque domum illius fecit conciuuum, & coxit azyma, & comederunt. & ex illo tandem Iob:

Si negauit, quod volebant, pauperibus, & oculos viduæ expectare fecit: Si comedit buccellam meam solus, & non comedit pupillus ex ea. Si despici præter-

*Eleemosynā dat,
qui quicunque
modo misericor-
diām præstat.*

*Scripturæ opera
misericordiæ nō
solūm laudat, &
prædicant, sed
etiam mandant,
& inuent.*

Cap. 2.

Cap. 18.

Cap. 19.

3

euntē,

euntem, et quod non habuerit indumentum, et absque operimento pauperem. Si non benedixerunt mibi latera eius, et de velleribus oium meorum calefactus es. Si leuavi super pupillum manum meam, etiam cum viderem me in porta superiorum, humerus meus a iunctura sua cadat, et brachium meum cum ossibus confringatur. Foris non mansit peregrinus, osium meum viatori patuit: oculus fui cæco, et pes claudo; pater eram pauperum, et marentium consolator. Hæc omnia simplici rei gestæ narratione constant.

A B S O L V T I porrò præcepti speciem, præ se fert illud Deuteronomij:

Cap. 15.

Nō deerunt pauperes in terra habitationis tuæ, idcirco ego præcipio tibi, ut aperias manum fratri tuo egeno, quiccumque versatur in terra.

Cap. 4.

Confilij tandem, vel communis præcepti illud Tobiae: Ex substantia tua fac eleemosynam, et noli auertere faciem tuam ab ullo paupere. Quo modo potueris,

Luc. 6.

ita esto misericors. & illa rursum CHRISTI: Date, et dabitur vobis, mensuram bonam, et confertam, et coagitatam, et supereffluentem dabunt in finum vestrum. Eadem quippe mensura, qua mensi fueritis, remetietur vobis. Item:

Luc. 16.

Facite vobis amicos de manina iniquitatis, ut cum defeceritis, recipiant

Hebr. 13.

vos in æterna tabernacula. Et illud Apostoli: Beneficiæ nolite oblinisci;

Rom. 12.

talibus enim hostiis promeretur D E V S. & alio rursum loco: Necesitati-

Prover. 25.

bus sanctorum communicantes, hospitalitatem seellant. & illud tandem

Salomonis:

Si esurierit inimicus tuus, cibam illum: Si sit, potum da illi. Hoe

enim faciens carbones ignis congeres super caput eius. Hæc omnia de cor-

porali eleemosyna concionantur: Ad spiritalem autem spectat

istud C H R I S T I:

Mat. 10. 5.

E G O dico vobis, diligite inimicos vestros, benefacite his, qui oderunt

Matth. 6.

vos, ut sitis filii patris vestri, qui est in celis. rursum: Si dimiseritis homini-

bus peccata eorum, dimittet et vobis pater vester cœlestis delicta vestra: Si asce-

Matth. 18.

tem non dimiseritis hominibus, nec pater vester dimittet vobis peccata vestra.

1. Timot. 5.

& in fratre: Si peccauerit in te frater tuus, vade corripe eum inter te et ipsum solum.

1. Timot. 4.

& haec rursum Pauli: Peccantes coram omnibus argue, ut catervi timorens

1. Thess. 5.

habeat. Prædicta verbum opportunitatem, importunitatem, argue, obsecra, increpa in omni

patientia, et doctrina. item: Rogamus vos fratres, corripite inquietos, consola-

mini pusillanimos, suscipite infirmos, patientes estote ad omnes: debemus nos fir-

miores, in necessitatibus infirmorum sustinere, et non nobis placere. & in alia

Epistola.

Si occupatus fueris homo in aliquo delicto, vos, qui spiritales estis,

bis modi instruite in spiritu lenitatis, considerans te ipsum, ne et tuenteris.

Cap. 5.

& haec tandem Apostoli Iacobi: Constitutim alterum peccata vestra,

et orate pro inuidie, ut saluem nisi multum enim valer deprecatio inuidarum.

& in-

& infrā: *Si quis ex vobis errauerit à veritate, & conuerterit quis eum, scire* Eod. cap.
debet, quoniam qui conuerti fecerit peccatorem ab errore via sua, saluabit ani-
mam eius à morte, & operit multitudinem peccatorum. Mittimus reliqua,
ne in re noi prorsus obscura, nimis simus: Solū monuerim, non
deesse graues theologos, qui isthac maiorem partem præcepti vi
pollere afferant.

VTRAE autem eleemosynæ alteris præstent, hoc est, spiritu-
lēsne corporalibus, an è diuerso corporales spiritualibus, id proli-
xa disputatione nulla indiget: Nam qui ratione vtuntur, eam ferè
proportionem inter has & illas intercedere intelligunt, quæ in-
ter corpus & spiritum: At spiritum corpori præstare, apud homi-
nes non omnino indoctos compertissimum est. Verū licet spi-
ritales secundūm se absolutè corporalibus habeantur potiores,
(nam & spiritali actu constant, & res secundūm se spiritales sunt,
& ad finem spiritalē referuntur, & pestibus spiritualibus meden-
tur) vñ tamen venire potest, & sēpe quoque venire solet, vt cor-
porales sint magis necessariae, adeoque D E O Opt. Max. magis
gratæ, vt si ad has consilium tantum prouocet, ad illos autem
præceptum, vel necessitas urget.

Quamuis spi-
ritales eleemosynæ
corporalibus
sint potiores, nō
tamen semper
id est.

*De eleemosynarum vi, cùm in mali depulsione, tum in
boni quoque procuratione.*

C A P V T T E R T I V M.

VID sit eleemosyna, quod illius munus, quod obie-
ctum, quæ tandem eiusdem partes, vel species, bre-
uiter explicatum est hactenus, proximum est, vt de
illius viribus nonnulla quoque in medium adfera-
mus: siquidem cuiusq; rei naturā consequitur sua vis, & operatio.
Et quamvis ex iis, quæ paulò ante disputata sunt, vtcunque id col-
ligi queat, euadet nihiloseciū aliquantò planiūs, si pauca quæ-
dam seorsum, & quasi ex instituto ea de re disseruerimus.

V T autem ordine procedamus, ex antè disputatis vt certum
hic ponimus, eleemosynam opus, vel fructum, vel effectum mi-
sericordiæ esse; hanc verò germanam charitatis sobolem; charita-
tem autem inter omnes virtutes absolutè principatum obtinere.
Iam si charitas arbor est vsque adeò nobilis, habitus vsque adeò
efficax,

Eleemosyna est
actus misericor-
diae.